

1614 27231 105
i
LE
D I O G E N E
FRANCOIS.

L semblera à plusieurs que ce n'est pas vn grand mystere que ie propose sur le tapy, mais vn conte de vieille, me voyant ramenteuoir aujourd'huy aux François l'Histoire du bon homme Diogene, lequel, avecq sa lanterne, tracassoit parmy la multitude du peuple qui estoit assemblé en la grád' place d'Athenes pour chercher ce qu'il ne trouuoit pas. Et comme il se void importuné de declarer que c'estoit, Respondit brusquement qu'il cherchoit vn homme, Non de ressemblance seulement : mais tel qu'un homme doit estre & paroistre.

Or de ceux cy ne s'en rencontre il pas si aisément comme le vulgaire estime: car tel pense estre digne de ce nom, qui en effect se trouue à l'ombre avec les bestes, quand le Soleil est couché, & c'est ce que ce Philosophe vouloit représenter par sa recherche.

S'il a fait ce traict dans la ville d'Athenes, que l'on a estimé la Pepiniere qui a produit les plus grands esprits de la Grece, & où l'on disoit que les hommes naissoient sages de Nature. Qu'eust-il fait maintenant dans la France ? où il se peut dire avec verité, qu'il y a plus de peuple, mais moins

d'hommes que iamais. Dieu en cela distribuant & retirant les graces, selon qu'il veut bien heurer ou affliger vn Estat. Aussi voyons nous que menaçant la ville de Ierusalem, il luy fait dire par son Prophete, *Auferam à vobis validum & fortem, virum bellatorem & consiliarium*, Je retireray du milieu de vous les ames genereuses : Ce que Pybrac a compris en ce quâtrin,

Quant tu verras que DIEU au Ciel retire

A coup à coup les hommes vertueux,

Dis hardiment, l'orage impetueux

Viendra bien tost esbranler cest Empire.

Combien que l'homme soit le plus accompli animal de la Nature, neantmoins il se remarque, que c'est celuy à la perfection duquel elle manque le plus, & que pour vn qu'elle nous donnera heroïque, elle en produit vne infinité pleins de defectuositez, soit de corps, soit d'esprit : De sorte qu'il faut quelquesfois des siècles entiers pour en produire vn de genereuse naissance, & de conduite pareille.

Ce n'est pas vne petite rencontre que d'un homme : Le Turc, quand il veut signifier vn grand personnage, il l'appelle *homme* ; Le grand Seigneur haranguant ses Bachas & Capitaines, les nomme simplement *hommes Musulmans*, tât il donne d'emphase à ce mot. L'Espagnol yse de celuy de *Varon*, pour dénommer vn homme de merite *nasca mi hijo Varon*, disent les Dames Espagnolles en leur souhaits, que mon fils naisse homme : Et est à noter qu'en cette langue l'V se prononce comme vn-B, & proferent ce mot comme nous celuy de Baron,

lequel anciennement ne se donnoit aux François que pour tiltre de valeur, & de fait les *Baronnies* ont pris source de là, comme estant la recompense des preux Chevaliers Barons, qui depuis sont tombees en succession par desordre, sans plus estre conferrees à la Vertu.

Ainsi tout va en declin par l'ignorance, ou malice, ou negligence de ceux qui sont aux charges publiques, qui laissent le vaisseau qui leur est commis à l'abandon des tempestes : C'est pourquoy il est vray de dire, que les Republiques tombent plustost en decadence faute d'hommes que faute de moyens & richesses : D'autant que la generosité acquiert ou contrefait, & la pusillanimité ne sçait conseruer ce qu'elle possède.

Si iamais la France eust besoin d'hommes, c'est auioird'huy : Toutes les parties de cest Estat sont malades, la pluspart le preuoit, chacun l'aprehende en general, & nul en particulier ne porte le bras pour le secourir. Considerant en moy mesme qui en pouuoit estre l'occasion, Je suis devenu Diogene. J'ay trouué qu'il y a plus de barbes que d'hommes, que chacun ne pensoit que pour loy, & que peu preuoyent, que la vray fortune du particulier doit estre enuelopee dans le bien public : Maxime que la plus grande partie de nos François ignore, & qui pour ne vouloir contribuer au salut de l'Estat, tost ou tard contribueront au malheur d'iceluy.

C'a esté le motif qui m'a fait conduire mon Diogene dans Paris : Je m'en feusse volontiers excusé, pour la crainte que j'auois que sa lanterne

4

ne fist prendre la cheure aux Parisiens, estimant qu'il se voulust mocquer d'eux, & ramenteuoir la lanternerie de la place Royale: toutesfois il n'est pastemps de se railler, mais de se raler, pour la conseruation de la personne du Roy, & du Royaume. Voyons donc ce qu'il fera, faisons luy tout voir: il sçait nostre mal, la question est s'il rencontrera des hommes pour y apporter le remede.

Commençons par le plus saint & sacré, faisons luy contempler le Corps Ecclesiastique, & sur tout ceux qui pour l'esperance de l'Escarlate, bâriissent sur le dos de leur Roy & bien-faïcteur la grandeur d'autrui, pour faire regner temporellement par la subuersion des Monarchies, celuy qui ne doit viser qu'à vn Royaume spirituel, qui de Maximes impies en forment des articles de foy, pour induire les subjets d'attenter à la vie de leurs Princes, Maximes qui ont forgé les cousteaux de Clemēt, Barriere, Chastel & Rauaillac, qui veulēt vasselager ceste Couronne pour la mettre au ban, à la passion estrangere, qui se plaisent à la nouueauté de ces propositions, & qui exposent les plus salutaires Arrests de ce grand Parlement à la censure: Viens, Diogene, viens, es-tu *sourd-dy*, viens vistement, & cherche parmy ce corps quelque homme pour deffendre l'autorité de nos Roys, rembarrans l'ingratitude de ceux qui veulent reuestir autrui des despoüilles de la France, sans considerer qu'ils luy doiuent leur biens & leurs fortunes, apporte ta lanterne, voy exactement si tu y trouueras quelque bon deffenseur des priuileges de l'Eglise Gallicane, & qui fasse rougir de honte ceux qui re-

tranchent les Conciles de Conſtâce & de Baſſe du
rang des Conciles Generaux, d'autât que par iceux
ces propoſitions nouvelles ſont abſolument con-
damnees. Ha ſaincte harpe de Dauid ! qui jadis
chaffois les mauuais demons, où és-tu maintenât ?
N'eſt-ce pas choſe eſtrange que les François de-
uiennent viperes pour deuorer la Mere qui les
nourriſt.

Au lieu de nous reſſentir de ce que l'on nous a
priué de la part que nous auions à la chaize de S.
Pierre, au lieu, diſ-ie, d'en demander raiſon, nous
poursuiuons ſottement vne uſurpation temporel-
le ſur les Couronnes, à laquelle nous n'aurons ia-
mais part. Où eſt noſtre entendement, Diogene ?
point d'hommes, point d'Eueſques, que d'*An-
gers*, que de *dangers*.

Quoy, Meſſieurs, ne vous ſouuiet il plus d'a-
uoir veu conduire en vne Baſtille les principaux
du Parlement ? Acte commis par les ſuppoſtz de
ceſte doctri ne qui ſouſtenoient auoir bien fait en
violant le ſainct lit de Juſtice: pource, diſoient-ils,
qu'ils eſtoient heretiques ou fauteurs d'heresie,
ennemis de Dieu & de l'Egliſe: ainſi qualiſioient-
ils les fidelles ſeruiteurs du Roy, autant en veut on
faire maintenant. Il n'y a autre difference ſinon
que ce que l'on preſchoit à vn peuple forcené cō-
tre ſon Prince, on le veut faire croire à ſa Maieſté
contre ſon Parlement. La ligue a rendu les igno-
rans ſages: ceux contre leſquels vous vous débor-
dez ſont cogneuz pas leur vie, actions & depor-
temens pour perſonnes tres-Catholiques: cepen-
dant on les voudroit abandonner à la fureur d'v-

ne populasse imbue de ceste doctrine, qui n'a autre object que la vie de nos Roys & soustenement de leurs subjects : & partant iustement condamnez par les Arrests de ceste Cour souueraine.

Pardonnez Messieurs, à nostre Diogene, si se recognoissant l'vne de vos ouïailles, il parle neantmoins si hardiment, non contre ses superieurs, mais de les superieurs en l'Eglise, & contre aucuns d'iceux seulement, sçachant bien que vous n'estes tous portez au profit de ceste nouveauté, il recognoist vostre autorité, que vous estes par la grace de Dieu Euesques, successeurs des Apostres, que tenez rang de Princes en l'Eglise selon le rang qu'il a pleu à Dieu vous donner en l'ordre Hierarchique, ayant par dessus vous les Archeuesques & Primats, & par dessus tous le Pape, chef & Primat de l'Eglise vniuerselle, qualité qui ne peut empêcher vos charges & fonctions, puisque les tenez de Dieu ; Mais ce dequoy Diogene se fasche c'est de voir que ceux qui ne recognoissent qu'une puissance en l'Eglise, destruisent les vostres, bien que inferieure à icelle, sapans l'autorité des ordinaires, pour agrandir ceste puissance à laquelle ils se sont vouëz. Ils passent outre, car de là ils se jettent sur les Couronnes, ce que nous auons expérimenté plus que iamais, depuis le miserable coup de Rauillac, ne s'estant passé année qu'ils n'ayent mis en lumiere quelque liure sur ce sujet, pour troubler le repos de la France. C'est ce qu'à peu faire le Parlement, de s'oposer à ce feu : & de là prouient la haine que quelques Ecclesiastiques portent à ce Senat, ainsi qu'il a apparu en l'assem-

blée des Estats generaux.

Passons à la Noblesse, voyons si elle ressemble à ces vieux Palladins Gaulois que nous lisons aux histoires auoir respendu tant de sang pour empescher la cheute de cest Estat, qui eussent plustost perdu la vie, que d'endurer aucune chose au preiudice de nos Roys, il semble que tout soit abastardy maintenant; Car ny l'exemple de nos Ancestres, ny le mespris que l'on fait de vous, ne vous eschauffe en rien le courage; tant la coyonnerie s'Ancre par tout.

L'apprehende nostre perte quand ie remarque en nos ennemis plus de vertu que parmy nous, estans, sans comparaison, plus affectionnez au bien de leur Prince & de leur patrie: L'Espagne produict de fidelles seruiteurs à son Roy, ils rachent de faire leurs fortunes cōme icy, mais ce n'est iamais en trauerfant les affaires du Prince ny son Estat; Que ne les imitons nous en celà? Nous ne voyons pas en France des Dom-Christophle de Mora ny d'Anthoine de Prada; le premier si tost qu'il veit que le cōseil d'Espagne ne se gouuernoit si prudēmēt qu'il faisoit durāt le regne de Philippe second, apres auoir remōstré que l'on quittoit le chemin qu'auoit tenu ce l'age Roy, il se retira en Portugal, plustost que de voir passer en sa presence chose tant soit peu preiudiciable à la Couronne: L'autre vit content en son Iardin, contribuant seulement de conseil au fait du gouuernemēt, sans briguer ne posseder dignité aucune, encore qu'il ne possède que peu de biens. Esclaire, Diogene, & voy si tu en trouueras en

France beaucoup de pareils, j'ay peur au rebours que tu n'y remarque des François qui vendroient le Roy & le public, pour vne simple esperance de pension : tu y rencontreras des gens qui y porteront la chaise percée, pourueu qu'ils ayent entendu leur dire *Monfieur, Monfieur, venez à mi ie faro pour vous*. Mots qui ont fait plus de coyons, que l'Oriflambe des braues Champions : Cachez vous (diray-ie Noblesse) cachez vous que Diogene ne vous enuise, ce n'est pas vous qu'il cherche, mais s'il vous rencontre, il vous traittera avec sa chandelle, comme les enfans traittent Maistre Pierre du Coignet : Ne rougissez vous point de honte? Ne recognoistrez vous iamais la bassesse de vos ames? quittez l'espée, prenez l'escritoire, l'on vous fournira de papier & d'*Aucre* pour descrire vos laschetes. Quelle pitié de voir vne Noblesse valleter vn homme qui ne vaut ny pour la guerre ny pour le Conseil? qui à cause de ses démerites ne s'ose presenter au Parlement pour se faire recevoir en sa charge pretendue, qui abbaye apres les biens des meilleures familles du Royaume pour esleuer sa pietre parenté & celle de sa femme en Italie, qui a englouty les thresors du feu Roy, qui vous morgue en luy aidant à establir sa fortune. Il a bien raison de vous appeller Coyons, avec nostre argët, il vous a dépouillés de vos Estats, places & gouuernemens, ensemble de vos honneurs, il fait des pensionnaires dans tous les corps de Iustice pour autoriser ses iniustices, il pratique des Partisans avec lesquels il s'entend pour rançonner le peuple. Qui du massacre de la Noblesse proje-

cte le

icte le rauissement de leurs charges, qui mettra les Officiers à la mercy des Affasins pour en auoir les despoüilles. Que diray- ie plus, qui offre à sa fille en mariage plus que le Roy d'Espagne ne donne à l'Infante, ny le Roy à Madame sa sœur. Cachez vous Diogene desespéré qu'il faille qu'un homme Ecclesiastique vous mette la valeur deuant les yeux. Je ne parle point des Grands ny des Pairs. Non ce n'est point d'eux que ie parle, mais seulement de ce Flaque qui desseigne vne alliance laquelle ruinerà l'Estat: Je ne parle, dis je, de ce que ie vois & preuois. S'il y a quelque chose de caché és cœurs de telles ames, Il m'est deffendu de donner plus auant, y pense qui voudra. Mais ie croy que c'est la raison pourquoy l'Effigie du feu Roy qui est sur le Pont-neuf, tourne le dos au Louure pour ne voir ce qui s'y passe.

Hé bien, Diogene, iras-tu aux hostels de ceux qui vident leurs logis d'honneur pour les remplir de pistoles & de vitupère à la posterité. Où es tu grand Fabius, & toy Cincinatus que l'ennemy du peuple Romain ne sceut iamais vaincre par presens: ny l'ambition rien gagner sur vostre pauuereté. O ames diuines que diriez vous de voir nos François si manniabiles au son de l'argent? Ne vous corrigerez vous iamais de ce deffaut, si ferez. Vn de nos Princes a fait vne acte si vertueux, qu'il seruira d'exemple aux autres. Exemple, dis ie, rare, & d'autant plus recommandable que durant cest ardeur d'auarice qui regne, il n'a non plus voulu toucher à la beauté de quatre cens mil Escus que l'on luy offroit pour son gouuernement, que ce braue Alexan

dre à certe de la femme de Darius. Surgeon de la maison d'Orleans, brāche entée en la famille de nos Roys, le Ciel te benisse & fasse croistre en perfectiō. Car qu'en doit esperer la France en la maturité si en sa premiere adolescence il a desia rendu tant de resmoignage de sa generosité. Ha ! que Diogene souhairte au Royaume pour ses Estreines beaucoup de personnages de pareille vertu.

Que dis-tu, Diogene, prendras-tu la hardiesse d'entrer dans le Louvre pour y considerer la personne sacrée de nostre Roy. Je sçay que tu diras, car tu es bon François, qu'il semble que l'on desire plustost qu'il soit long temps enfant, que bien tost homme; Il faut que ceste liberté eschappe à Diogene, d'autā qu'il est du naturel des Dames, qui apprehendent en Mariage la rencontre des Maris, qui ne sont vrayement hommes, Il voudroit que la Majesté desmentist son àge, à quoy vne genereuse nourriture luy seroit vn grand auantage, ayant desia la nature bonne pour luy.

L'Empereur Charles Quint, eut cest heur, que dés l'aage de quatorze ans on l'occupoit dans les affaires, on le faisoit assister au Conseil, non pour y commettre des actes d'enfantillage, mais pour y escouter les propositions & resolutions des affaires, on ouuroit & lisoit on deuant luy les pacquets des Princes estrangers, on luy monstroit les dépesches sur iceux, on traittoit en sa presence de toutes sortes de maximes importantes au gouuernement, & pou luy esguiser l'esprit & le courage, on luy ramen-téuoit à toute heure les ennemis de la maison de Bourgogne, avec vn desir violēt de s'en vanger: De

fait il l'a bien monsté, & la France la bien esprou-
uée à son malheur, que on l'auoit fait homme.
C'est ainsi le chemin qu'il faut tenir pour le deue-
nir, nul n'a tant besoin de l'estre, que les Roys:
Helas ! que c'est vne grande misere quand il faut
chercher des Princes en plain iour ; Cela est excu-
sable pour le commun, mais le sang Royal, doit
côme vn Soleil, esclairer dès son Leuât, & donner
dès le matin des Rayons de vertu sur ses subiects.

La Mere des deux Gracchus Romains, disoit,
que la bonne nourriture estoit vne double nais-
sance aux Eufans. C'est enuers les Princes, que
cette sentence se doit plus exactement pratiquer.
L'on doit à l'enuy trauailler à fortifier leur esprits.
C'est cé que Diogene & le Caton François remar-
quent estre plus necessaire à sa Majesté. Luy & le
Royaume ont besoin de le voir bien tost hôme,
si bien tost ne voulons souffrir vn grand Eclipse
dans l'Estat. Mais quoy ? au lieu de remedier à ce
mal, on tache à rendre criminels de leze Majesté
ceux qui descouurent le pot aux Roses.

A la Cour, Diogene, il ne faut pastout dire,
ie ne te conseille pas d'y estre plus longuement, il
te faut faire vn tour dans le tiers Estat, tu y pouras
trouuer des hommes, au moins tu y oras prou dis-
courir du bien public, tu y remarqueras beau-
coup plus de Cicerons que de Catons, à bien faire
il ne faut point tant de discours, ny faire seruir la
balance de Iustice, de trébuchet à peser l'Or, ny
faire des reglements de Police, non à dessein de
soulager le peuple, mais pour tirer argent des
Mestiers, & faire venir des prouisions & fourni-

tures de mesnage , aux hostels des Magistrats. Diogene , mon amy , ie crains que tu les trouue aussi corrompus que les autres , & tout *de Mesme*, tout *de Mesme*, Bourgeois , Officiers , Marchands, Ouuriers , Laboueurs , trompent comme les autres , & tout *de Mesme*, tant le desordre regne par tout.

La police des Huguenots est elle plus saine ? il y a autant de mangerie parmy eux que parmy nous: Dieu nous vueille tous amender , il n'y a gueres plus de bien à la Rochelle qu'à *Roien*, la belle ville que Lyon le *Rosne* y passe, qui est encore capable de seruir le Roy , aussi bien que Grenoble, qui ne le *Desdit* gaire. Ce qu'ils ont de bon plus que nous, c'est que l'on ne craint point qu'ils se rendent Espagnols, on sçait qu'ils sont fermes François: du reste, les Iesuittes le plaignent fort & ferme de ce qu'ils ne les peuent conuertir , & que la Caballe Huguenotte deuienaussi politique , que la leur, & sont contrains de faire *Binet*.

Ne t'amuse point d'auantage parmy eux , Diogene, fais vn tour dans le Parlement, mais ne ressemble pas à ce Vuallon qui brusloit de veoir le Marechal de Biron lors qu'il passa en Flandres, ce païsan party de sa maison pour aller à Bruxelles où si tost qu'il eust enuisagé le Marechal & quelques autres, il fit *Gilles*, comme l'on dit, & *s'en reuint*. Il ne faut pas icy faire de *Mesme*, il faut tout contempler, tu y trouueras des hommes, mais peu à la verité. O quel malheur ! anciennement c'estoit l'*Afyle* des Princes & peuples estrangers, où l'on accouroit de tous endroits, comme à l'Oracle d'*A-*

pollon en Delphe, pour y auoir du soulagement
 & resolution aux affaires importantes. Où l'on
 remarquoit, qu'autant de Conseillers estoient au-
 tant de demy Dieux, Pour quoy ne voyons-nous
 plus celà: Qu'estes-vous deuenues Ames Diuines!
 hélas! *au Pol estes*, *au Pol estes*, vous detestez de là
 haut la venalité de nostre Iustice, Cela cause que
 ne daigniez plus auoir soin du lieu, où vous l'avez
 autrefois exercée avec tant de dignité & de preu-
 d'homme. Cherche, Diogene, dans ce sacré Senat,
 tu le contempleras anatomisé de factions diverses.
 Ce n'est plus vn corps entier & vigoureux, la Can-
 grene de pensions le mange tous les iours. Ce n'est
 plus le Tuteur de nos Roys: Pour le moins s'il a la
 volonté d'en conseruer le tiltre, il ressemble aux
 corps alangouris & mourans, à qui la force man-
 que d'exercuter leurs fonctions. Reprens cœur, tu
 seras *S E - C O N D E'*. Ne vois-tu pas que l'on veut
 faire croire que tu n'es plus capable de cognoistre
 les affaires d'Etat, que l'on te veut arracher poil à
 poil comme la qu'euë du cheval: Reconnois tes
 fautes, reünny-toy pour secourir ton Roy: Prends
 pitié de son bas aage, à fin que l'on puisse dire que
 nous auons encore des hommes. Il y en a, & y en
 auroit encore d'auantage si l'honneur ne coustoit
 si cher. Voila pourquoy l'on ne vous veoit plus çà
 bas, Ames Diuines, *au Pol estes*. O auarice que tu
 as fait vne playe mortelle dans l'Etat! Ainsi l'an-
 tique Rome le perdit si tost que l'argent trouua en-
 tree aux charges. Que deuons-nous craindre au-
 iourd huy? hélas! nostre mal seroit en quelque fa-
 çon supportable si l'on pouuoit longuement viuo-

ter dans ce desordre : Mais il faut que ce mal nous tuë, ou que nous le tuyons, c'est la vérité, quelques raisons specieuses que l'on propose au contraire : Dessillons nous les yeux, chassons les humeurs cacochymes qui atrophient ce Royaume. D'où procedent les brauades qu'auéz receu, Messieurs, sinon de ce que l'on vous cognoist diuisez & gagnables? Ce n'est pas ainsi qu'il se faut monstrer hommes. Sacré Senat refouds toy à bien faire, & au seras *le-Condé*.

Madril preuoit bien qu'il n'y plus d'hommes en France, C'est pourquoy la prudence Espagnolle trouue qu'il fail bon traicter d'alliance avec nous. Plus vne beste est niaise, plus on la mene paistre aisément. La Minorité est vn aage d'or pour l'ennemy, & vn siecle de fer pour les subjets. Adioutez a cela la veualité: Car en France tout est à vendre, & si Dieu n'a pitié de ce Royaume, j'ay crainte qu'un de ces matins l'on ne voye vn escriteau de Palais à vendre à la grande porte du Louure. Le Ciel puisse tousiours conseruer nostre Roy, pour en détourner le malheur. Mais Diogene crie tout haut comme le Paralitique, que la Place n'a point d'hommes pour la porter en la Piscine, à fin de la guerir. Hé quoy! la laisserons nous mourir? Les Prelats n'en auront-ils point pitié? Ne sera-elle pas assistee des Grands, des Officiers, & des *Pairs*, *non*. Ha pauvre Estat qui n'as plus d'hommes! Tacheons au moins de le déuenir. C'est le plus bel animal que Dieu ait créé, Il se plaist à le contempler comme vn Chef-d'œuvre admirable. Et l'homme mesme sert d'admiration à l'homme quand il

est vertueux. Il n'est celuy si lasche qui ne sente eschauffer son Ame au recit des gestes valeureux de nos vieux Gaulois. Nous en sommes issus, François, si nous ne les pouuons imiter en conquestes, imitōs les à deffendre ce qu'ils nous ont laissé. Ne consentons par ferardise à la dissipation de cest Estat. La gloire que nous en laisserons à nos enfans sera plus riche que l'amas des pistolles. Ceux qui sont descendus de ce braue Comte de Dunois ont plus d'allegresse en escoutāt racōter les proesses que ce Generieux Prince a fait chassant les ennemis de ce Royaume, qu'ils n'ont de plaisir aujourdhuy à posseder sa succession.

Sçachez, François, que quiconque est vertueux laisse ordinairement biens & honneurs à ses enfans : Car qui a de la vertu, a du credit, qui du credit del'authorité, & qui sçait paruenir à ce degré ne manque de posseder ce qui est necessaire à la grandeur d'un homme de courage. Il est vray que ce chemin est plus long pour s'enrichir que l'autre, mais en recompense il est plus glorieux & durable.

Si nous tenions ceste voye l'ennemy nous redouteroit, le bien public prospereroit, nostre renommee fleuriroit, Les petits n'auroient la hardiesse d'enjamber sur les Grands pour les dépouiller. Hé, quiles rend ainsi temeraires ? C'est qu'ils croient que les François ne sont plus hommes. Ce meisme defaut fait que les femmes gourmandent leurs maris : Et voilà comme la France est déchirée en tous ses membres. Ce plat pays mangé par des partisans, d'imposts, & de sel, Ne serons-nous

iamais deffalez en deux façons ? les Prouinces se-
ront-elles tousiours pigeonnees & reduites à tel
point de malheur que l'on ne veoit tantost plus
dans le Royaume de village ny de *Bour-bon*. C'est
vne seconderaison pourquoy l'ennemy desire no-
stre alliance.

Te voila bien estonné, Diogene, que feras-tu ?
ne te desespere pas encore, possible que tu trou-
ueras des hommes aux Augustins, si en reste en
France ils doiuent estre là dedans : si y a del'es-
perance au mal qui nous possede c'est de là que
nous le depons attendre : Il n'est pas croyable que
ils se fassent appeller coigne festus, si le font, le
peuple en sçaura bien dire sa ratelee, il en murmu-
mure desia assez.

C'est en ce Sacré lieu qu'il faut parler vieux
Gaulois, ce n'est pas tout de se mocquer d'un
estranger qui jargonne mauuais Francois, il le faut
repandre, & prudemment se garder des fausses-
trappes de Castille : Il y a long temps que l'Espa-
gnol fait l'amour à la France, Il *Brusle ard*, & petille
del'engloutir, hélas ! qu'il a beau jeu, Ne vous
esmerueillez pas, *si le ry* luy plaist, non ce n'est sans
sujet *s'il rit* : & rira voyant la riche phisionomie de
ce beau Cheualier à la grand' Croix ; il connoistra
bien par là que nous auons peu d'hommes : Il re-
marque nos diuisions & mauuais mesnage, il jette
là dessus les fondemens de sa future grandeur, il
pretend part au bris du vaisseau : Nous ne preuo-
yons rien, quand il nous aura attrapez & embrouil-
lez en guerre ciuille, hélas François ! que nous fe-
rons *lanins*, commel'on dit en badaudois, que
nous

nous serons *Ianins*.

Tolle Dole, crioient les Iuifs, mais les Menuisiers disent, qu'il n'y a bois si noüeus, qu'un bon rabot ne rende poli & *Dolé*, ny mal si grand à quoy vn cœur genereux ne remédie. Rendons iustice à nous mesmes, Seruons fidellement le Roy, L'on n'est point blasmé d'establir sa fortune près de sa Majesté, pourueu que ce soit par recompences de bons seruices; Il faut aimer Alexandre, non pour ses liberalitez seulement, ains pour ses vertus, Nature & la Loy nous oblige à ce deuoir, Diogene recognoist les bons seruiteurs, quand il void que leur interest particulier ne marche deuant ce-luy de leurs Maistres.

Et toutesfois la venalité qui regne parmy nous: Que l'on s'enqueste tant que l'on voudra, l'on ne scauroit remarquer vn si fâcheux trafic en toute l'Europe, scauoir mon, si les honneurs, les Gouvernemens des Prouinces & des places se vendent en Espagne? ce seroit vn crime de l'auoir seulement pensé; En France, c'est habiller de les maquignonner, & gloire de les emporter par telles voyes, ce qui aliene la naturelle obligation que le sujet doit à ses Princes, en ce qu'il n'estime l'establissement de sa fortune, que du fond de sa bourse.

Recognoissons donc nostre mal, ne recullons plus à nous monittrer hommes, il semble que la beauté du nom Masculin soit Hermaphroditée parmy nous, aussi ne parle on plus masle auourd'huy, l'on dit Souleil pour Soleil, chouse pour chose, Courtton pour Coton, tant nos Courtisans parlent molement François, & de fait nous voyons

que le Royaume de Conchin aux Indes Orientales, est deuenue femelle en France par metamorphose cōyonnesque, tant on se plaist à la nouveauté, & à voir des Auortons morguer les plus hupéz de cest Estat.

L'Asne du Commun, dit le prouerbe, est tousiours mal basté, chacun se repose sur la vigilance de son voisin, pour racourrir son bas : C'est ce que representoit vne Menuisiere à son Mary, la chalandise duquel estoit fort enuieée, Mon amy, luy disoit-elle, ne redoutez nullement la cajollement des François, ils ne vous feront nul desplaisir, ils fatenderont tous les vns aux autres pour le faire.

Ainsi le Roy & le public est seruy, ainsi le mal se glisse. I'ay crainte que nostre infortune ne ressemble à celuy des Ponts & digues mal entretenus, où l'on remarque tantost la cheute d'une pierre, tantost vne liaison s'entrouuir, tantost vne arche se desmentir, les passans disent bien ces digues se ruineront : cependant l'on neglige d'y travailler, puis vne nuit ameine vn rauage d'eau ou desgorgement de Mer qui emporte tout & submerge le pais.

C'est ce qu'il nous faut apprehender, les menaces de la ruine de l'Estat sont apparentes, il est aisé d'y remedier en mettant l'interest particulier sous le pied, si nous le faisons la Digne creuera, & nous trouuerons inondez dans le deluge general. N'est-ce pas chose deplorable, il n'y a que quatre ans que ceste Couronne estoit florissante, redourée, pleine de grands thresors, paisible : aujourd'huy elle est pauvre, endetée, desnuée d'argent à l'em-

prunt, pleine de factions, & preste à s'en aller par lambeaux. Ne conuiens plus, si nous atendons à l'extrémité à decourir le mal, l'on ne nous en sçaura point de gré. Je le sçay bien dès hier, Diogene, *Veut le Roy*, n'attendons à le secourir lors qu'il n'y aura plus de remede. Tous les beaux esprits de la France sont assemblez pour yaniser, à bien faire, il ne faut point tant d'artifice, qu'ils joignent seulement la prud'homie avec l'habileté, tout ira bien, qu'ils y apportent vne prudence sans malice, c'est la drogue qui nous donnera la guarison. Helas qu'elle est rare ! elle ne se rencontre que dans les ames vraiment massés, telle les cherche, Diogene, Dieu luy face la grace d'en trouver, à fin qu'il puisse dire tout haut, que la France a encore des hommes pour la secourir & empelcher son déclin. Trauaillons y à l'enuy. Quiconque fera bien fera se-Condé.

LA FRANCE SOVS LE
nom de Catin.

*Miserable siecle où nous sommes,
Se disoit Alix à Carin,
Si ie n'ay du lait au tetin
Ce deffaut me vient faute d'hommes.*

